

reticulato, cortice crasso, luride lutescente; gleba luride lutea cavernulis polymorphis, tomentosis irregulariter dispositis, majusculis instructa; ascis cylindricis, undulatis, basi attenuatis. 240—260 = 30—33; sporidiis globosis, verruculosi, stramineis 22—27  $\mu$  diam.; paraphysibus filiformibus, septatis apice clavatis, 5—6  $\mu$  latis.

Hab. subterranea vel subsuperficialis, Tasmania.

*Pleurotus abbreviatus* Kalchbr. in Grev. VIII p. 152 est = *Polyporus subpulverulentus* Berk. et C. Pori ampli, siccitate contorti pro lamellis habiti sunt.

*Pleurotus luteo-aurantius* Kalchbr. l. c. sporas habet subglobosas 6 = 5  $\mu$ .

*Marasmius pilopus* Kalchbr. est = *Collybia cayennensis* Mont. Guy. n. 268. Sacc. Syll. Hym. I, p. 217.

*Lentinus fusco-purpureus* Kalchbr. prorsus = *Lentinus strigosus* Fr. Icon Kalchbrenneri in Grev. VIII, tab. 143 f. 17 male est furcata.

*Lentinus laeviceps* Kalchbr. Specimen fragmentarium adest vix determinandum. Lamellae tamen adsunt crassae, acie integra obtusa ad latera venosae, spora ellipticae 6—7 = 4½—5  $\mu$ , et mihi vix *Lentini* species; forte potius *Xerotus*.

*Lentinus hyracinus* Kalchbr. = *Lentinus ursinus* Fr. Specimina tridentina hujus speciei, cujus iconem in *Fungi Trid.* tab. 66 dedi exacte cum specimenibus australiensibus conveniunt.

*Inocybe gomphodes* Kalchbr. l. c. est *Naucoria* sporis laevibus, aureo-flavis, 10—11 = 7  $\mu$  praedita.

*Naucoria nasuta* Kalchbr. est *Flammula* sporis obovatis 6 = 4  $\mu$  praedita. *Naucoria nasuta* Cooke Illustr. of Brit. Fung. tab. 1172 B species est bene diversa, et *Naucoria nasuta* Winter Pilze I p. 852 est *Inocybe lacera* Fr. prouti e speciminibus authenticis cl. Dr. A. Schultze a cl. W. Krieger mecum communicatis clare mihi innotuit.

---

## Fragmenta mycologica LI.

Auctore P. A. Karsten.

*Psathyra ombrophila* n. sp. — Pileus carnosulus, planus, disco leviter gibbosus, orbicularis, laevis (haud pellucide striatus), leviter naucoso-granulosus, circiter 2 cm latus. Stipes aequalis, praecipue intus rufo-rubescens, adpresse subsericellus, basi subtuberiformis, circiter 3 cm altus et 2 mm

crassus. Lamellae adnexae, confertae, ventricosae, atratulae, exsiccando fuscae. Sporae ellipsoideae, laeves, raro uniguttulatae, melleae vel hyalino flavido-fuligineae (sub lente),  $4-6 = 2-3,5$  mmm. — In Mustiala in ollis tectis, ubi tubera Philodendri asservata sunt, m. Aprili 1893 (W. Johansson).

*Inocybe pseudoscabella* Britz. verisimiliterque *In. scabella* Pat. Tab. anal. p. 102 tab. 229 identicae sunt cum *In. debilipede* Karst. Finl. Basidsv. p. 211 Icon. III, f. 62. *Inocybe scabella* Fr.? Auct. plur. sporis angulatis quoque in Fennia obvenit.

*Corticium granulatum* (Bon.) Cort. bombycinum (Somm.) est nominandum.

*Trichocarpus ambiguus* Karst. est „forma sitanea, resupinata“ *Sterei abietini* (Pers.) Fr. ex cel. Bresadola in litt., cui specimina authentica visa.

Hymenomycetibus fennicis sequentes species addendae: *Corticium plumbeum* Fr., *Cort. glaucescens* Fr. (= *Chaetocarpus abietinus* Karst.), *Stereum avellinum* Fr. et *Physisporus calceus* (Fr.) Karst.

*Sclerotium erysiphoides* n. sp. — Hybernacula gregatim sparsa, libera, sphaeroidea, fusciscentia, demum fusca, villi albo denso obvoluta, circiter 0,5 mm diam., hyphis repentibus, admodum tenellis, arachnoideis, ramosis, articulatis, saepe guttulatis, albis, 3—6 mm crassis, cito evanidis insidentia. — Supra gramina in pratis cis Mustiala, primo vere, saepe sub nive crescens, quotannis frequens. — Ab *Erysiphe epigaea* Link., nobis non cognita, pro qua antea a nobis habita, hybernaculis villosis, opacis, exacte sphaeroideis, minoribus differte videtur. Cum *Lanosa nivali* Fr. non metagenetice connexum.

## Lichenes exotici.

### II.

Auctore Dr. J. Müller.

45. *Pyrenopsis australiensis* Müll. Arg.; thallus niger, fruticuloso-subgranularis, hinc inde gleboso-concrescens; ramuli erecti,  $1\frac{5}{100} - 2\frac{0}{100}$  mm alti et  $7\frac{3}{100}$  mm crassi, nunc subsimplices et toruloso-nodosi, saepius tamen semel v. bis dichotome divisi, divisionibus ultimis vulgo incrassatis late obtusis; gonidia gloeocapsoidea v. magis depauperata, pro parte vinoso-fulva et rufescentia, circ. 20  $\mu$  et ultra lata; apothecia  $\frac{1}{3}$  mm lata, nigra, turgide lecanorino-marginata, urceolaria; margo integer; epithecium flavicans;

# ZOBODAT - [www.zobodat.at](http://www.zobodat.at)

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Hedwigia](#)

Jahr/Year: 1893

Band/Volume: [32\\_1893](#)

Autor(en)/Author(s): Karsten Petter Adolf

Artikel/Article: [Fragmenta mycologica LI. 119-120](#)